


2022-mi inuuusuttunut ilinniarfiit

Saqqummersitami uani Kalaallit Nunaanni inuuusuttunut ilinniarfinni ilinniartut kisimik sammineqarput. Nunani allani inuuusuttunut ilinniarfinni ilinniartut Kalaallit Nunaanneersut Naatsorsueqqissaartarfiup Kisitsisaataasiviani aaneqarsinnaapput

2022-mi 609-t inuuusuttunut ilinniarfimmik naammassinnissimapput

2022-mi Kalaallit Nunaanni 609-nik amerlassusillit inuuusuttunut ilinniarfimmik naammassinnissimapput. Ukiuni tulleriinni inuuusuttunut ilinniakkamik naammassinnittartut amerliartorusaarsimapput, 2016-imilu naammassinnissimasut 803-ullutik amerlanerpaasimapput. Taamanili ukiumut naammassinnittartut amerlassusaat 24 pct.-inik appariarsimavoq, kisiannili 2005-imiit 53 pct.-imik qaffassimalluni.

Titartagaq 1. 2003-miit 2022-mut Kalaallit Nunaanni inuuusuttunut ilinniarfimmik naammassinnissimasut



Najoqputaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNISC11D>).

2022-mi Kalaallit Nunaanni ilinniarnertuunngorniarnermik naammassinnissimasut 248-upput, ukiup siuliani 294-iulusut. 2005-imut sanilliullugu ilinniarnertuunngorniarnermik naammassinnittarerit amerlassusaat 75 pct.-inik amerlanerusimapput. Inuussutissarsiornermi ilinniakkamik naammassinnissimasut amerlassusaat ukiup siuliani 429-usimasut 361-inut appariarsimapput, appariaat 16 pct.-iulluni.

2.026-t inuuusuttunut ilinniarfinni ilinniakkamik ingerlatsipput


2022-mi Kalaallit Nunaanni inuuusuttunut ilinniarfinni ilinniakkamik ingerlatsisut 2.026-nik amerlassuseqarput. Tamanna inuuusuttunut ilinniakkani inuussutissarsiornermilu ilinniakkani ukiup siulianut sanilliullugu 1 pct.-inik

appiarneruvoq. 2011-miilli ilinniartut amerlassusaat 427-nik ikileriarsi-mapput, appariaat 17 pct.-iulluni.

1.071-it inuusuttunut ilinniarfinni ilinniakkamik aallartitsisimapput
 2022-mi 1.071-inik amerlassusillit inuusuttunut ilinniarfinni ilinniakkamik aallartitsisimapput, tamannalu 2014-imut sanilliullugu 18 pct.-inik appiarneruvoq, tassani inuusuttunut ilinniakkamik aallartitsisimasut amerlanerpaasimapput. Ilinniartuunngorniarnernik aallartitsisimasut 2014-imi amerlanerpaasipput, piffissami 2003-miit 2022-mut inuussutissarsiornermi ilinniakkamik aallartitsisimasut 2016-imi amerlanerpaasut.

Agquaqatigiissillugu 20-nik ukiullit ilinniarnertuunngorniarnermik aallartitsisarput, inuussutissarsiornermilu ilinniakkamik aallartitsisartut agquaqatigiissillugu 26-nik ukioqartartut.

Titartagaq 2. 2003-miit 2022-mut Kalaallit Nunaanni ilinniakkamik aallartitsinerit



Najoqtaq: Naatsorsueqqissaartarfik – Kisitsaataasivimmi kisitsisit takukkit (<https://bank.stat.gl/UDNISC11A>).

Eqikkaaneq

Tabel 1. 2018-miit 2022-mut inuusuttunut ilinniarfinni ilinniartut ilinniakkap suussusaa killifillu malillugit

	2018	2019	2020	2021	2022
Ilinniarnertuunngorniariit					
Aallartitsimasut	475	463	518	472	416
Ingerlatsisut	1.069	1.035	1.070	1.067	1.064
Naammassinnissimasut	273	283	281	294	248
Inuussutissarsiornermi ilinniariit					
Aallartitsimasut	713	672	720	661	655
Ingerlatsisut	1.052	1.011	1.070	972	962
Naammassinnissimasut	397	378	380	429	361

Najoqtaq: Naatsorsueqqissaartarfik – Kisitsaataasivimmi kisitsisit takukkit (<https://bank.stat.gl/UDNISC11A>, <https://bank.stat.gl/UDNISC11B>, <https://bank.stat.gl/UDNISC11D>).

Periaaseq

Nalunaarsuutit tunngaviusut

Ilinniartitaanermut kisitsisitigut paasissutissani Ilanniagaqarnersiuteqartitsivimmit (USF) nalunaarsuutit tunngavagineqarput. Nalunaarsuiffik ilinniakkaniq ilinniagaqarnersiuteqarfingineqarsinnaasunik taamaallaat imaqarpoq. Kalaallit Nunaanni ilinniakkat qallunaanit ingerlanneqartut nalunaarsuutaat (politiinngorniarneq isertitsivinnilu nakkutilliisunngorniarneq) aammalu suliffeqarfuit namminneq ilinniakkat ingerlataat nalunaarsuutini ilaanggillat.

Periaaseq

Naatsorsueqqissaartarfíup naatsorsuutit atunnginnerini kisitsisit misissoq-qissaarpai, nalilersorlugit aamma suliareqqillugit.

Ilinniarluni ulloq naammassiffik tunngavigalugu ilinniartunut nalunaarsuutit ukiut tamaasa ukiut kingullit pingasut iluarsineqartarpot. Siunissami ilinniarneq pillugu kisitsisitigut paasissutissat assigiaarnerunissaat aamma ilinniartunut nalunaarsuutit kingumoortumik iluarsineqartarnissaat eqqarsaatigalugu taamatut suleriuseqartoqarpoq.

Naatsorsuineq

Ukiumut ataasiarluni ilinniartitaanermut kisitsisitigut paasissutissat suliarineqartarpot. Ilinniakkamilli ingerlatsisunut ulloq 31/12 naatsorsuutini malinnejartarpoq.

Ilinniartitaanermut paasissutissani ilinniakkamut ingerlatsineq uuttuutitut atorneqarpoq. Ilinniakkamik ingerlatsinerit amerlassusaat inuillu amerlassusaat assigiinngillat. Assersuutigalugu ukiup ataatsip ingerlanerani ilinniartoq ilinniakkamik aallartitsisinnaavoq, aallartitaraluarnilu unitsillugu ukiullu ingerlanerani ilinniakkamik allamik allartitseqqilluni. Taamaasilluni aallartitsimasutut marloriarluni naatsorsuutini ilaassaaq. Ilinniakkaniq ingerlatsinerit inuillu amerlassusaat assigiissinnaapput aatsaat ilinniartunik ingerlatsisunik naatsorsuinermi.

Ilinniartitaanermut kisitsisit paasissutissaat ilinniakkaniq aallartitsimasunik, ingerlatsisunik naammassinnissimasunillu imaqarput, ilinniakkap qaffasissua, suiaassuseq ukiullu malillugit immikkoortiterneqarsimasunik. Kisitsisillu immikkoortiterneqarput:

- Ilinniakkamik ingerlatsineq, nuna ilinniakkamik ingerlatsivik malillugu
- Kalaallit Nunaanni ilinniakkamik ingerlatsineq, ilinniarfik ilinnagarlu malillugit

Inuussutissarsiornermi ilinniakkat ataasiakkaat Danmarkimi atuagarsorfiupput, suliffinnillu misiliinerit annerpaartaat Kalaallit Nunaanni pisarput. Saqqummersitami matumani nuna ilinniarfik tassaavoq nuna ilinniarfiup inisisimaffiatut nalunaorsorneqarfia.

Naatsorsueqqissaartarfiup ilinniartitaanermut kisitsisitigut paassisutissiaani UNESCO-p nunat tamalaat akornanni malittarisassaa ISCED2011-mik taaneqartoq malinneqarpoq. Taassuma saniatigut Naatsorsueqqissaartarfik Kalaallit Nunaanni ilinniakkat, ilinniakkap qaffasissusaa malillugu, immik-koortiternerat takussutissiaraa. Taaguttit takussutissiarlu bank.stat.gl-imi Ilinniartitaanermut tunngasut ataanni nassaarineqarsinnaavoq.

Ilisarnaatinut nassuaatit

- ... Paassisutissat pigineqanngillat
- .. Paassisutissat tatiginangitsut ilisarinnilersitsisinaasulluunniit
- . Kisitsitaqarsinnaanngitsut
- 0 Affaanit mikinerusut
- Nul
- * Kisitsisaagallartut imaluunniit missingersuut

Saaffiginniffissaq

Samo Nielsen

E-mail: snie@stat.gl

Ilinniartitaaneq

Naatsorsueqqissaartarfik
Postboks 1025 · 3900 Nuuk
Oqar.: +299 34 57 70 · Fax: +299 34 57 90
www.stat.gl · e-mail: stat@stat.gl

